

Segun Gobierno:

# Aparato di husticia ta completo atrobe cu Aruba su propio Procurador General

ORANJESTAD (AAN): Un comunicado di Gobierno ricibi, ta indica cu Aruba tin su propio Procurador General atrobe despues di un procedimiento di seleccion extenso cu a tuma lugar caminda varios candidato a presenta nan mes y a selecta un candidato cu por carga e peso di responsabilidad cu e tarea di e hefe di Ministerio Publico pa Aruba tin cu carga. E funcion di Procurador General ta uno hopi importante den nos sistema di husticia, ya cu ministerio publico ta un di e pilarnan cu ta garantiza e estado di derecho di un forma profesional y independiente.

**CARERA IMPRESIONANTE:** Mr. W.R. Rosingh ta un persona cu un carera impresionante den husticia na Hulanda y tambe na Antiyas Hulandes. El a traha como Fiscal na Groningen, Assen, y Zwolle, y tabata Advocaat Generaal na Parket na Leeuwarden. Tambe el a funciona como Fiscal reemplazante na Antiyas durante añanan 70. Desde 1995 e ta ocupa e funcion di PG reemplazante na corte na Arnhem.

E experiencia di mr. Rosingh, tambe durante su periodo na Antiyas, lo ta beneficioso pa Aruba y por duna un contribucion valioso na e desaroyonan nobo riba tereno di husticia cu ta tumando lugar. Cu e huramentacion di e PG nobo, cual a tuma lugar diarazon mainta, Gabinete Eman ta cumpli cu e acuerdonan cu a worde haci den cuadro di rapport de Ruiter pa restaura y fortifica husticia den nos comunidad?

**PROBLEMA PA PASADO:** E comision 'de Ruiter' a worde instala na 1996 riba peticion di Aruba pa haci un investigacion independiente riba e problematica cu a surgi cu e Procurador General e tempo ey. E base di confianza cu Gobierno mester tin cu su PG y cu Polis mester tin cu e PG simplemente no tabata tey mas. Un situacion cu no tabata cum-

bini bon funcionamiento di e aparato di husticia of Aruba pa bon funcionamiento di e aparato di husticia ta importante cu tin un base di confianza entre Minister di Husticia y e PG.

Segun Gobierno, consecuentemente e comision a haya e tarea e ora ey pa mira unda e friccionnan ta sinta y kico mester worde haci pa normaliza e situacion di confianza entre Ministerio di Husticia y PG. Gobierno di Aruba a cumpli y nos tin nos propio PG na Aruba un biaha mas. Asina aki a proba cu esnan cu tabata grita cu Aruba lo a perde su autonomia tabata fout. Awor nos ta mira pa futuro, pa nos sigui fortifica e forzanan di husticia. Ya

nos a traha duro pa fortifica e imagen di Aruba den exterior y atrobe nos por bisa cu awor e relacion cu Hulanda y Merca ta uno excelente atrobe. Tur Arubiano por cana frente na laira, pasobra nos pais a muestra claramente y efectivamente cu nos ta combati criminalidad internacional na Aruba cu tur e forza cu nos tin, y den bon cooperacion cu Merca y Hulanda.


**TRES PILAR DI HUSTICIA:** Gobierno di Aruba ta reitera cu e seguridad y tranquilidad di e pueblo di Aruba ta su preocupacion primordial. Basa riba e nota di maneho di husticia, mester salvaguardia e seguridad y tranquilidad di e pueblo di

Aruba cu ta e responsabilidad primordial di Gobierno di Aruba y esaki ta posibel solamente cu e bon funcionamiento di un aparato di husticia cu sa unda e problemanan ta y tin e hermentnan pa atacanan. Nos sistema di husticia ta basa riba tres pilar caminda un no por funciona sin e otro. Ministerio publico cu ta ocupa cu e persecucion penal, nos cuerpo policial cu ta encarga cu vigilancia y investigacion y Minister di Husticia ta encarga cu e maneho general. E mejoramentonan den nos cuerpo di Polis y nos sistema hudicial ta e resultado di un maneho mas cla y mas firme.

Segun Gobierno, nos mester evita di acepta cu e cre-

cimiento di nos comunidad mester bay pareu cu un crecimiento di criminalidad. Esaki no por ta asina y ta e comunidad den su totalidad mester resisti esaki. Di banda di gobierno y tur persona y instancia envolvi den husticia nos lo percura pa esaki en todo caso.

Gobierno di Aruba, den nomber di tur instancia cu tin di haber cu husticia, y e pueblo di Aruba en general, ta desea e PG nobo mr. Rosingh hopi exito den ehecutacion di su funcion nobo. Ademas gobierno ta gradici e PG saliente mr. T. van Daalen pa e bon trabao cu el a haci na Aruba durante ultimo aña y ta desea exito den continuacion di su carera.



## EL NIÑO SU CALOR TA INSOPORTABLE

SOSEGA Y DRUMI TRANKIL SIN BOROTO, SIN SANGURA  
Y BLAFMENTO DI NOS AMIGO RIBA 4 PATA...  
CU UN




## SPLIT SYSTEMS

BO TA LANTA CU ENERGIA  
Y CLA PA UN OTRO DIA...



\*CALIDAD \*SILENCIO \* DURABLE \*\*COMFORTABLE  
\*ECONOMICO DEN USO DI CORIENTE  
\*REMOTE CONTROL



**11.000BTU's Instalacion inclui Afl. 2.225,- CASH**  
**13.000BTU's Instalacion inclui Afl. 2.425,- CASH**  
**17.500BTU's Instalacion inclui Afl. 2.975,- CASH**  
**20.000BTU's Instalacion inclui Afl. 3.350,- CASH**  
**23.000BTU's Instalacion inclui Afl. 3.695,- CASH**

**UN PRIJS NOS TIN, NO TA COBRA PA GARANTIA.....**

## We bring good things to life.

**WIMCO**

San Nicolas  
Tel: 845162 / 845061

Sabana Blanco  
Tel: 821381

**TELEFONNAN  
DI DIARIO  
826747  
FAX  
828551**